

11 fakulti diiktiraf dunia

BERITA HARIAN 15 FEB 2015 NASIONAL M/S 11

» Pengiktirafan ke atas universiti tempatan tarik lebih 135,000 pelajar luar

Oleh Syazwan Msar
bhnews@bh.com.my


Kuantan

Sebelas fakulti di institusi pengajian tinggi (IPT) di negara ini diiktiraf antara 100 yang terbaik dunia, kata Menteri Pendidikan II, Datuk Seri Idris Jusoh.

Antaranya, Fakulti Sains Alam Sekitar di Universiti Sains Malaysia (USM), Fakulti Pertanian Universiti Putra Malaysia (UPM) dan Fakulti Kejuruteraan Universiti Malaya (UM). Pengiktirafan itu membantu menarik lebih 135,000 pelajar antarabangsa melanjutkan pengajian mereka di negara ini.

Sehubungan itu, Idris menerasihatkan lepasan sekolah agar jangan terlalu taksub menyambung pengajian di luar negara yang memerlukan perbelanjaan tinggi, sebaliknya meneliti terlebih dulu pengajian yang disediakan universiti tempatan.

"Kualiti pendidikan negara meningkat, malah kita tidak



Idris bersama Dr Daing (kanan) melawat gerai pameran UMP selepas melancarkan Karnival Pendidikan Tinggi Negara di Kuantan, semalam.

[FOTO FARIZUL HAFIZ AWANG/BH]

sedar 11 fakulti di universiti kita adalah antara 100 yang terbaik di dunia," katanya pada sidang media selepas melancarkan Karnival Pendidikan Tinggi Negara 2015 yang berlangsung tiga hari sejak 13 Februari lalu, di sini semalam.

Yang turut hadir, Pengurus Jawatankuasa Kesihatan, Sumber Manusia dan Tugas-Tugas Khas negeri, Datuk Norol Azali Sulaiman; Ketua Pe-

ngarah Jabatan Pendidikan Tinggi, Prof Datuk Dr Asma Ismail dan Naib Canselor Universiti Malaysia Pahang (UMP) Datuk Dr Daing Nasir Ibrahim.

Propaganda pihak tertentu
Dalam perkembangan lain, Idris berkata, dakwaan bahawa pelajar bukan Islam dilarang mengamalkan ajaran agama masing-masing di Maktab Rendah Sains Mara

(MRSR) adalah propaganda pihak tertentu yang berniat jahat untuk mencetuskan ketegangan.

"Ia itu lama dibangkitkan pihak tertentu yang mempunyai agenda tidak baik. Pelajar bebas amal ajaran agama masing-masing, cuma jangan sehingga melanggar peraturan sekolah seperti memakai rantai besar atau pakaian tidak mengikut garis panduan," katanya.